



**REFERAT FRÅ MØTE I SAMARBEIDSråDET FOR SUNNHORDLAND
TORSDAG 3. NOVEMBER KL. 08.45-12.00, PÅ SOLSTRAND HOTEL, OS**

Desse møtte:

Helge Skugstad	Austevoll kommune
Odd Harald Hovland	Bømlo kommune
Geir Aga	Bømlo kommune
Siri Klokkerstuen	Etne kommune
Wenche Tislevoll	Fitjar kommune
Atle Tornes	Fitjar kommune
Hans Inge Myrvold	Kvinnherad kommune
Odd Ivar Øvregård	Kvinnherad kommune
Harry Herstad	Stord kommune
Magnus Mjør	Stord kommune
Kåre Martin Kleppe	Tysnes kommune
Steinar Dalland	Tysnes kommune

Frå administrasjonen:

Gro Jensen Gjerde
Reidun Rykkje

Forfall:

Morten Storebø, Austevoll kommune – Pål Nygård, Etne kommune – Jorunn Skåden, Sveio kommune – Bjørn Gilje, Sveio kommune.

Då var føre:

- | | |
|-----------|--|
| Sak 38/16 | Godkjenning av referat frå møte 16. september d.å. |
| Sak 39/16 | Inntektssystemet - uttale |
| Sak 40/16 | Regionreform - uttale |
| Sak 41/16 | Høgskulen på vestlandet - uttale |
| Sak 42/16 | Godkjenning av møteplan 2017 |
| Sak 43/16 | Skriv og meldingar |
| | a) Møte i Oslo i januar 2017 |
| | b) Plan for bruk av kompensasjonsmidlar |
| | c) Interkommunal strandsoneplan for Sunnhordland |
| | d) Ferjeanbod |
| | e) Kryssing av Langenuen |
| | f) Kontorstruktur i skatteetaten |
| | g) Merkevarebygging av Sunnhordland |
| | h) Felles formannskapsmøte |
| Sak 44/16 | Ymse |

Sunnhordland, 7. november 2016

Gro Jensen Gjerde
dagleg leiar

**REFERAT FRÅ MØTE I SAMARBEIDSråDET FOR SUNNHORDLAND
TORSDAG 3. NOVEMBER KL. 08.45-12.00, PÅ SOLSTRAND HOTEL, OS**

I forkant av møte orienterte dagleg leiar i Sunnhordland Museum, Jane Jünger og styreleiar Signe Eikeland om museumsrådgjevar-stillinga som kommunane har vore med å finansiera dei siste to åra. Sunnhordland Museum vil sende ut eit skriv til kommunane vedr. vidareføring av felles stillinga.

Sak 38/16 Godkjenning av referat frå møte 16. september d.å.

Samrøystes vedteke.

Sak 39/16 Inntektssystemet - uttale

Framlegg til vedtak:

Samarbeidsrådet støtter følgjande uttale:

«Samarbeidsrådet for Sunnhordland ser det som svært urimeleg at kommunar som har fatta positivt vedtak om kommunesamslåing, innan fristen som var sett til 1 juli, skal verta straffa gjennom nytt inntektssystem. Kommunestyrevedtaka er basert på grundige prosessar med involvering av innbyggjarar, politikarar frå alle parti, næringslivet, tillitsvalde og kommuneadministrasjonen. Det ligg også positiv folkerøysting til grunn for kommunestyrevedtaket.

Samarbeidsrådet for Sunnhordland ser positivt på at situasjonen til «ufrivillig små kommunar» skal avklarast gjennom Kommuneproposisjonen for 2018. Dette hjelper likevel lite for året 2017, og Samarbeidsrådet for Sunnhordland finn det urimeleg at kommunane må venta med ein slik avklaring til våren 2018. Det vert difor forventa at fylkesmennene tek dette elementet med i fordelinga av dei førebels ufordelte skjønsmidlane.»

På møte:

Det vart på møte sett fram nytt forslag til uttale (sendt ut til godkjenning pr. mail):

Samarbeidsrådet for Sunnhordland ser det som svært urimeleg at kommunar som har fatta positivt vedtak om kommunesamslåing, innan fristen som var sett til 1 juli, skal verta straffa gjennom utilsikta konsekvensar ved kommunereforma.

Samarbeidsrådet for Sunnhordland peiker på at me finn det urimeleg at Stord kommune, som etter reforma må reknast som «ufrivillig små» ikkje får del i det nye regionsentertilskotet. Eit regionsentertilskot må ta utgangspunkt i reelle regionsenter kommunar. Stord kommune har gjennom ei årrekke vore eit vitalt regionsenter for alle kommunane i Sunnhordland, med mange reelle regionsenterfunksjonar. Ein del av kommunane som no får regionsentertilskot kan ikkje skilta med tilsvarande realitetar og dette går me ut frå er ei utilsikta effekt av kommunereforma.

Samarbeidsrådet ber om at denne skeivfordelinga vert retta opp så snart som mogleg og at det vert vurdert tiltak allereie før 2018.

Samrøystes vedtak:

Samarbeidsrådet for Sunnhordland ser det som svært urimeleg at kommunar som har fatta positivt vedtak om kommunesamanslåing, innan fristen som var sett til 1 juli, skal verta straffa gjennom utilsikta konsekvensar ved kommunereforma.

Samarbeidsrådet for Sunnhordland finn det urimeleg at Stord kommune, som etter reforma må reknast som «ufrivillig små» ikkje får del i det nye regionsentertilskotet. Eit regionsentertilskot må ta utgangspunkt i reelle regionsenter kommunar. Stord kommune har gjennom ei årrekke vore eit vitalt regionsenter for alle kommunane i Sunnhordland, med mange reelle regionsenterfunksjonar. Ein del av kommunane som no får regionsentertilskot kan ikkje skilta med tilsvarande realitetar og dette går me ut frå er ei utilsikta effekt av kommunereforma.

Samarbeidsrådet ber om at denne skeivfordelinga vert retta opp så snart som mogleg og at det vert vurdert tiltak allereie før 2018.

Sak 40/16 Regionreform - uttale**Framlegg til uttale:**

Samarbeidsrådet for Sunnhordland og Haugaland Vekst er regionråd for i alt 17 kommunar. Råda er samde om følgjande vedrørande regionreforma:

Haugaland Vekst og Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidssikra løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi, reiseliv, shipping, Vestlandshøgskulen og Helse Fonna.

Samarbeidsrådet vil presisera følgjande:

Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering.

Samarbeidsrådet ber fylkestinget om å arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

Samarbeidsrådet for Sunnhordland ber om at Vestlandsregionen støttar opp om det nynorske språket når den nye regionen skal skipast, ved at:

- Staten skal bruke nynorsk i sin skriftlege kommunikasjon med regionen
- Regionen skal ha nynorsk som administrasjonsspråk
- Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
- Regionen skal vere eit føredøme for klart språk i offentleg forvaltning

På møte:

Siri Klokkerstuen, Etne kommune orienterte om at Haugalandrådet likevel ikkje kunne samlast om ein felles uttale.

Det vart i møte sett fram forslag om at administrasjonen redigerer forslag til uttale og sender ut til kommunane for godkjenning pr. mail.

Vedlagte uttale vart sendt pr mail for godkjenning:

Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidsretta løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi, reiseliv, shipping, Vestlandshøgskulen, Helse Fonna, utvikling av infrastruktur og felles kommunikasjon.

For å halda Haugalandet og Sunnhordland samla, kan eit alternativ vera at grensa vert sett i Boknafjorden.

Samarbeidsrådet ber fylkestinget om å arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering som ikkje tek høgde for ein sterk region.

Samarbeidsrådet for Sunnhordland ber om at Vestlandsregionen støttar opp om det nynorske språket når den nye regionen skal skipast, ved at:

- Staten skal bruke nynorsk i sin skriftlege kommunikasjon med regionen
- Regionen skal ha nynorsk som administrasjonsspråk
- Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
- Regionen skal vere eit føredøme for klart språk i offentleg forvaltning

Samarbeidsrådet merkjer seg at oppgåvedelinga i reforma synes noko skeiv i den nye regionen. Samarbeidsrådet føreset at dette vert vert handsama godt i den vidare handsaminga gjennom fellesnemnda.

Samarbeidsrådet føreset at staten tilpassar si regionale rolle til den nye regionen.

Samarbeidsrådet ber til slutt om at regionråda vert nytta aktivt som medspelarar i den vidare reformprosessen

Etter tilbakemeldingar pr. mail er uttalen endra til:

Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidsretta løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi,

reiseliv, shipping, Vestlandshøgskulen, Helse Fonna, utvikling av infrastruktur og felles kommunikasjon. Det ligg forventningar om å vidareutvikla dette og at Haugalandet og Sunnhordland blir samla i ein region. Dersom ein Vestlandsregion ikkje blir realisert, kan eit alternativ vera at grensa vert sett i Boknafjorden.

Samarbeidsrådet ber fylkestinget om å arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering som ikkje tek høgde for ein sterk region.

Samarbeidsrådet for Sunnhordland ber om at Vestlandsregionen støttar opp om det nynorske språket når den nye regionen skal skipast, ved at:

- Staten skal bruke nynorsk i sin skriftlege kommunikasjon med regionen
- Regionen skal ha nynorsk som administrasjonsspråk
- Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
- Regionen skal vere eit føredøme for klart språk i offentleg forvaltning

Samarbeidsrådet merker seg at oppgåvedelinga i reforma synes noko skeiv i den nye regionen. Samarbeidsrådet føreset at dette vert vert handsama godt i den vidare handsaminga gjennom fellesnemnda.

Samarbeidsrådet føreset at staten tilpassar si regionale rolle til den nye regionen.

Samarbeidsrådet ber til slutt om at regionråda vert nytta aktivt som medspelarar i den vidare reformprosessen

Samrøystes vedtak:

Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidsretta løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi, reiseliv, shipping, Vestlandshøgskulen, Helse Fonna, utvikling av infrastruktur og felles kommunikasjon. Det ligg forventningar om å vidareutvikla dette og at Haugalandet og Sunnhordland blir samla i ein region. Dersom ein Vestlandsregion ikkje blir realisert, kan eit alternativ vera at grensa vert sett i Boknafjorden.

Samarbeidsrådet ber fylkestinget om å arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering som ikkje tek høgde for ein sterk region.

Samarbeidsrådet for Sunnhordland ber om at Vestlandsregionen støttar opp om det nynorske språket når den nye regionen skal skipast, ved at:

- Staten skal bruke nynorsk i sin skriftlege kommunikasjon med regionen
- Regionen skal ha nynorsk som administrasjonsspråk
- Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
- Regionen skal vere eit føredøme for klart språk i offentleg forvaltning

Samarbeidsrådet merkjer seg at oppgåvedelinga i reforma synes noko skeiv i den nye regionen. Samarbeidsrådet føreset at dette vert handsoma godt i den vidare handsaminga gjennom fellesnemnda.

Samarbeidsrådet føreset at staten tilpassar si regionale rolle til den nye regionen.

Samarbeidsrådet ber til slutt om at regionråda vert nytta aktivt som medspelarar i den vidare reformprosessen.

Sak 41/16 Høgskulen på vestlandet - uttale

Framlegg til uttale

Samarbeidsrådet for Sunnhordland er regionråd for kommunane Austevoll, Bømlo, Etne, Fitjar, Kvinnherad, Stord, Sveio og Tysnes. Ordførarar og rådmenn i kommunane utgjer rådet.

Rådet er svært oppteken av fusjonsprosessen som no går føre seg mellom Høgskulen i Sogn og fjordane, Høgskulen i Bergen og Høgskulen Stord/Haugesund.

Samarbeidsrådet vil peika på at Høgskulen Stord/Haugesund er den viktigaste kompetanse-institusjonen i stor regionen Sunnhordland og Haugalandet. Difor er rådet svært glad for at HSH no saman med dei andre høgskulane tek eit regionalt ansvar og nyttar moglegheitene til å sikra ein framtidssretta, god og solid utdanningsinstitusjon på Vestlandet.

For Sunnhordland er grunnutdanningane og det gode etter- og vidareutdanningstilbodet avgjерande for utviklinga av regionen.

Rådet er og svært nøgd med at intensjonsavtalen sikrar lokal leiing ved at det vert oppretta stilling som pro – rektorar ved institusjonane.

Høgskulen Stord/Haugesund er vårt talerøyr inn i den nye institusjonen og Samarbeidsrådet for Sunnhordland har store forventningar til at det regionale perspektivet for vår region vert ivaretake i oppbygginga av den nye Høgskulen for Vestlandet.

Kommunane i regionen er innstilte på å stilla opp med nødvendige praksisplassar for studentane.

Samarbeidsrådet ynskjer lukka til med vidare arbeid for å få etablert Høgskulen for Vestlandet!

På møte:

Det vart i møte sett fram forslag om nytt avsnitt 4:

For Sunnhordland er grunnutdanningane og det gode etter- og vidareutdanningstilbodet avgjерande for kompetanseutviklinga av regionen. Dette må liggje fast i den nye organisasjonen.

Samrøystes vedtak:

Samarbeidsrådet for Sunnhordland er regionråd for kommunane Austevoll, Bømlo, Etne, Fitjar, Kvinnherad, Stord, Sveio og Tysnes. Ordførarar og rådmenn i kommunane utgjer rådet.

Rådet er svært oppteken av fusjonsprosessen som no går føre seg mellom Høgskulen i Sogn og fjordane, Høgskulen i Bergen og Høgskulen Stord/Haugesund.

Samarbeidsrådet vil peika på at Høgskulen Stord/Haugesund er den viktigaste kompetanse-institusjonen i stor regionen Sunnhordland og Haugalandet. Difor er rådet svært glad for at HSH no saman med dei andre høgskulane tek eit regionalt ansvar og nytta moglegheitene til å sikra ein framtidsretta, god og solid utdanningsinstitusjon på Vestlandet.

For Sunnhordland er grunnutdanningane og det gode etter- og vidareutdanningstilbodet avgjérande for kompetanseutviklinga av regionen. Dette må liggje fast i den nye organisasjonen.

Rådet er og svært nøgd med at intensjonsavtalen sikrar lokal leiing ved at det vert oppretta stilling som pro – rektorar ved institusjonane.

Høgskulen Stord/Haugesund er vårt talerøy inn i den nye institusjonen og Samarbeidsrådet for Sunnhordland har store forventningar til at det regionale perspektivet for vår region vert ivaretake i oppbygginga av den nye Høgskulen for Vestlandet.

Kommunane i regionen er innstilte på å stilla opp med nødvendige praksisplassar for studentane.

Samarbeidsrådet ynskjer lukka til med vidare arbeid for å få etablert Høgskulen for Vestlandet!

Sak 42/16 Godkjenning av møteplan 2017

Framlegg til vedtak:

Samarbeidsrådet godkjenner møteplan slik den ligg føre.

På møte:

Administrasjonen informerte om at det er møtefri på Stortinget i veke 4 og tidspunktet for turen til Oslo må endrast. Ny dato er sett til 10 -11 januar.

Samråystes vedtak:

Møteplan vert godkjent med endring av tidspunkt for møta i Oslo.

Sak 43/16

Skriv og meldingar

- a) Møte i Oslo i januar 2017
- b) Plan for bruk av kompensasjonsmidlar
- c) Interkommunal strandsoneplan for Sunnhordland
- d) Ferjeanbod
- e) Kryssing av Langenuen
- f) Kontorstruktur i skatteetaten
- g) Merkevarebygging av Sunnhordland
- h) Felles formannskapsmøte

På møte:

a) Møte i Oslo i januar 2017

Administrasjonen informerte om at det er møtefri på Stortinget i veke 4 og tidspunktet for turen til Oslo må endrast. Ny dato er sett til 10 -11 januar. Det er avtala møte med Hordalandsbenken 10 januar kl. 16.30-17 på Stortinget. Saker som er viktig å få drøfta med departement og politikarar er blant anna regionsreform, NTP og fengsel på Haugalandet. Endeleg program for dagane vert sendt ut så snart det er klart.

c) Interkommunal strandsoneplan for Sunnhordland

Det vart i møte informert om at referansegruppa vil verta kalla inn til møte i løpet av kort tid. Samarbeidsrådet/styringsgruppa vil få framlegg til nye føresegner førelagt til møte i Skånevik i 8-9 desember.

d) Ferjeanbod Halhjem-Sandvikvåg

Det vart i møte føreslege at Samarbeidsrådet skal arrangere ein ferjekonferanse på nyåret.

g) Merkevarebygging av Sunnhordland

Det vart i møte orientert om at neste samling vert 28. november kl. 09.30 om bord i M/S Sunnhordland.

h) Felles formannskapsmøte

Det vart i møte føreslege at ein skal legge opp til felles formannskapsmøte same dag som ferjekonferansen. Dato er ikkje sett.

Sak 44/16

Ymse

Det vart ikkje meldt inn saker under ymse.